

ত্রিপুরা সরকার
তথ্য ও সংস্কৃতি অধিকার

স- ৪৯৯২

কৈলাসহর, ২৮ ফেব্রুয়ারি, ২০২৪

মহিলাদের আর্থিক বিকাশে স্ব-সহায়ক দলের
গুরুত্বপূর্ণ ভূমিকা রয়েছে : সমাজ কল্যাণ মন্ত্রী

মহিলাদের আর্থিক বিকাশে স্ব-সহায়ক দলের গুরুত্বপূর্ণ ভূমিকা রয়েছে। তাদের আর্থসামাজিক অবস্থার উন্নয়নের জন্য বর্তমান রাজ্য সরকার কাজ করছে। গতকাল কৈলাসহরের আই টি আই মাঠে তিনদিনব্যাপী উনকোটি জেলাভিত্তিক সরস মেলার উদ্বোধন করে একথা বলেন সমাজকল্যাণ ও সমাজশিক্ষা মন্ত্রী টিংকু রায়। তিনি আরও বলেন, যুব সমাজ, কৃষক ও মহিলাদের উন্নয়নের জন্য সর্বাধিক প্রাধান্য দিতে হবে। ইতিমধ্যেই রাজ্য আরও বেশী লাখপতি দিদি তৈরী করা লক্ষ্যে সরকার উদ্যোগ নিয়েছে।

অনুষ্ঠানে অন্যান্যদের মধ্যে উপস্থিত ছিলেন উনকোটি জিলা পরিষদের সভাধিপতি অমলেন্দু দাস, সহকারি সভাধিপতি শ্যামল দাস, কৈলাসহর মহকুমার মহকুমা শাসক প্রদীপ সরকার প্রমুখ। সভাপতিত্ব করেন কৈলাসহর পুর পরিষদের চেয়ারপার্সন চপলা দেবরায়। স্বাগত বক্তব্য রাখেন উনকোটি জেলার জেলাশাসক কার্যালয়ের সিনিয়র ডিপুটি ম্যাজিস্ট্রেট বিজয় সিনহা। উদ্বোধনী অনুষ্ঠান শেষে মন্ত্রী টিংকু রায় গৌরনগর রাজ, চন্দীপুর রাজ ও কুমারঘাট রাজের ক্লাস্টার লেভেল ফেডারেশনের সদস্যদের হাতে মোবাইল ভ্যান তুলে দেন ও পতাকা নেড়ে ভাষ্যমান কর্মন সার্ভিস সেন্টারের সূচনা করেন। এই তিনটি মোবাইল ভ্যান সংশ্লিষ্ট রাজ এলাকার বিভিন্ন জায়গায় গিয়ে রাজ্য ও কেন্দ্র সরকারের বিভিন্ন প্রকল্পের প্রচার ও আবেদনপত্র গ্রহণ ও বিভিন্ন সুবিধা প্রদান করবে। অনুষ্ঠান শেষে অতিথিগণ মেলা প্রাঙ্গনে স্টলগুলি ঘুরে দেখেন। উল্লেখ্য, জেলায় ৪ হাজার ৪৮৯টি স্বসহায়ক দল রয়েছে। এই স্ব-সহায়ক দলের সঙ্গে যুক্ত রয়েছেন ৪১ হাজার মহিলা। অনুষ্ঠানে জেলার স্বসহায়ক দলের সদস্যরা তাদের উৎপাদিত সামগ্রীর পসরা নিয়ে বসেছেন।
